

Ժողովուրդ

44
(2894)

29 մարտի ուրբաթ 2024
տպագրության ԺԳ տարի

Թ. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԳԻՎԱՆՆԱԳԻՏԱԿԱՆ ՆՈՐ ՄԿԱՆԴԱԼ Է ՀԱՍՈՒՆԱՆՈՒՄ



«Ժողովուրդ» օրաթերթը տեղեկացավ, որ ԱԳՆ արարողակարգի ղեկավար Գագիկ Վանոյանը, որը թիկնապահից դարձել է պետական արարողակարգի ղեկավար՝ չունենալով դիվանագիտական կրթություն, փորձում է 44 պետությունները ներկայացնող պատվավոր հյուպատոսների հետ անտեղի սրել հարաբերությունները: Նա նամակներ է ուղարկում ոստիկանություն, որպեսզի ստուգվեն ենթարկված պատվավոր հյուպատոսների կողմից շահագործվող կարմիր համարանիշներով մեքենաները:

Հյուպատոսական հիմնարկների կողմից օգտագործվող մեքենաների 2 համարանիշներից մեկը նա ջանում է անվավեր ճանաչել՝ ըստ էության խանգարելով հյուպատոսական հիմնարկների բնականոն աշխատանքը, անտեսելով Վիեննայի կոնվենցիան հյուպատոսական կապերի մասին և ֆակուլտատիվ արձանագրությունները:

Նկատելիք, որ պաշտոնային ոչ հարիր այդ պահվածը ազդելու է Հայաստանի Հանրապետության կողմից արտերկրում նշանակված 51 պատվավոր հյուպատոսների գործունեության վրա:


«Ժողովուրդ» օրաթերթը տեղեկացավ, որ Գագիկ Վանոյանը Հայաստանի մարմնամարզության ֆեդերացիայի նախագահն է: Ֆիզկուլտուրիկ, թիկնապահ և դիվանագետ, որը պետք է դիվանագիտական հարաբերություններ պահպանի Հայաստանի Հանրապետությունում հավատարմագրված դիվանագիտական ներկայացուցչությունների հետ: Նա տարբեր գերատեսչություններից ներկայացուցիչներ է հրավիրում ԱԳՆ, ժողովներ կազմակերպում, փորձում իր կողմից կատարված անտրամաբանական քայլերը արդարացնել և Արդարադատության նախարարության միջոցով օրինագիծ մշակել:

Նախագծով առաջարկվում է սահմանել նաև պատվավոր հյուպատոսներին պատկանող տրանսպորտային միջոցների հաշվառման և հաշվառումից հանելու կարգին առնչվող դրույթներ, սահմանել վերջիններիս հատկացվող հաշվառման համարանիշերի տեսակները՝ հստակ կանոնակարգելով, որ վերջիններիս տրանսպորտային միջոցներին հատկացվելու են լատիներեն «H» տառը պարունակող կարմիր հիմնագույնի համարանիշեր, ընդ որում՝ յուրաքանչյուր պատվավոր հյուպատոսի մասով հատկացվելու է մեկական կարմիր հիմնագույնի համարանիշ, եւ այնպես անել, որ վատթարանա հյուպատոսական հիմնարկների աշխատանքը:

Վերջում հիշեցնենք Վիեննայի կոնվենցիան՝ հյուպատոսական կապերի մասին, եւ ֆակուլտատիվ արձանագրությունները. 1. ՎԻԵՆՆԱՅԻ ԿՈՆՎԵՆՑԻԱՆ՝ ՀՅՈՒՊԱՏՈՍԱԿԱՆ ԿԱՊԵՐԻ ՄԱՍԻՆ. Կատարված է Վիեննայում 1963 թվականի ապրիլի 24-ին (Յուլիան 72) ԽՏՐԱԿԱՆՈՒԹՅՈՒՆ ԹՈՒՅԼ ՉՏԱԼԸ

1. Սույն կոնվենցիայի դրույթները կիրառելիս նստավայր պետությունը չպետք է խտրականություն ցուցաբերի տարբեր պետությունների նկատմամբ (մի պետության ներկայացուցիչներին տրամադրում են 100-ից ավելի համարանիշներ, իսկ 44 պետություն ներկայացնող պատվավոր հյուպատոսներին՝ ընդամենը 2-ական համարանիշ, հիմա էլ ուզում են դարձնել 1 համարանիշ՝ խանգարելով հյուպատոսական հիմնարկների բնականոն աշխատանքը): Նշենք նաև, որ 2018թ. այս բազմաթիվ պատվավոր հյուպատոսները միացան հեղափոխությանը, բայց խաբվեցին նաև նրանք:

Ի նչպես արդեն հայտնի է, շաբաթ օրը՝ մարտի 23-ին, իշխանական վերնախավը, Նիկոլ Փաշինյանի գլխավորությամբ, գնացել էր Գյումրի: «Ժողովուրդ» օրաթերթը տեղեկացավ, որ Գյումրիում ԶԳ-ականներին շատ «ջերմ» ընդունելություն են ցույց տվել տեղացիները: Փաշինյանի ավտոշարայանը վարորդները մեքենայի ձայնային ազդանշաններով ու սուլոցներով են ուղեկցել: Նախ այդ օրը Գյումրու կենտրոնական փողոցները փակ են եղել, Փաշինյանի գալու առիթով պարեկները Գյումրիում «կանգնեցրել են» շարժը, ինչը եւս բարկացրել է տեղացիներին, ու այդ պատճառով նաև քաղաքացիները եւ պարեկները բախվել են, ընդհարումներ ունեցել: Գյումրիում տեղի էր ունեցել նաև ԶԳ նախաձեռնող խմբի կիստր: Ինչպես մեր աղբյուրներն են փոխանցում, Փաշինյանը Գյումրիում գրեթե նույն սպառնալից ու չհուսադրող հայտարարություններն է արել, ինչ Տավուշում: Ասել է, որ այլընտրանք չունենք, պետք է Ադրբեջանի պահանջած տարածքները տանք, որպեսզի պատերազմ չլինի: Միեւնույն ժամանակ նա երաշխիք չի էլ տվել, որ եթե Ադրբեջանի հերթական ապօրինի պահանջը կատարենք, ապա պատերազմ չի լինի:



Երեկ հայտնի դարձավ, որ Երեւանի նախկին քաղաքապետ Հայկ Մարությանը նոր կուսակցություն է հիմնել՝ «Նոր ուժ»: Նոր ստեղծվող կուսակցության համագումարը մայիսի 1-ին է լինելու: Հայկ Մարությանը դեռ ամիսներ առաջ՝ ավագանու անդամի մանդատից զրկվելուց հետո էր հայտարարել, որ չի հեռանալու քաղաքականությունից, պատրաստվում է նոր կուսակցություն հիմնել և մասնակցել առաջիկա խորհրդարանական ընտրություններին: Իսկ ովքեր են ընդգրկված Հայկ Մարությանի կուսակցությունում: «Ժողովուրդ» օրաթերթը տեղեկացավ, որ Հայկ Մարությանի նոր կուսակցությունում ընդգրկված են լինելու ավագանու «Ազգային առաջընթաց» խմբակցության անդամների մեծամասնությունը՝ Արամ Թորոսյանը, Հովսեփ Կուբաթյանը, Գրիգոր Երիցյանը, Զրիստինա Վարդանյանը եւ այլք: «Ժողովուրդ» օրաթերթը տեղեկացավ նաև, որ որքան էլ անսպասելի է, բայց Իզաբելլա Աբգարյանը չի լինի «Նոր ուժ» կուսակցությունում: «Ես անպայման աջակցելու եմ իմ թիմակիցներին, բայց ես որեւէ կուսակցության երբեք էլ չեմ անդամակցել: Այս փուլում նախընտրում եմ կենտրոնական ավագանիում մեր խմբակցության գործունեության եւ քաղաքի խնդիրների վրա»,- մեզ հետ զրույցում ասաց նա: Ի դեպ, Մարությանի թիմակիցները մեզ հետ զրույցում չբացառեցին նաև, որ ինչ-որ փուլում, հնարավոր է, դաշինքի ֆորմատով համագործակցեն «Ազգային առաջընթաց» կուսակցության հետ, որի կազմով մասնակցեցին ավագանու վերջին ընտրություններին:



Թեւ ԲՀ բանակային կորպուսի հրամանատար Հայկազ Բաղմանյանի նկատմամբ հարուցվել են տարատեսակ քրեական գործեր, սակայն դրանք չեն հաստատվում: Մասնավորապես, 2021թ. «Սեյրան Խալաթյան» ՍՊԸ-ի տնօրենը Բաղմանյան եղբայրների դեմ հաղորդում տվեց ունեզրկման, մարդու առեւանգման եւ շորթման հատկանիշներով: Տարիներ անց սույն հաղորդումը չհաստատվեց, օրերս էլ պարզ դարձավ, որ ՍՊԸ տնօրենը բանկերին պարտք է աստղաբաշխական գումարներ: Հավանաբար, հեղափոխությունից հետո հարմար առիթ էր նախկինների մեջ մեղավոր փնտրել եւ պարտքերը «գրել» նրա վրա: Իրականում նա պարտքեր է կուտակել, եւ չի բացառվում դրա պատճառով է ողջ պրոցեսը:



ՔԱՂԱՔԱԿԱՆ

ԶՐՈՒՅՑ

«ԴՈՒՔ ՀԱՎԻԿ ԵՔ, ՈՆՅ ՈՒՋԵՆ, ԿՎԵՐԱԲԵՐՎԵՆ»

«Արաբ» շոկասի հրամանատար Մանվել Եղիազարյանն ArmLur.am-ի հետ զրույցում խոսել է Տավուսում ստեղծված իրավիճակի եւ նոր դասերազմի հավանականության մասին:



«Պարոն Եղիազարյան, ինչ զարգացումներ են հնարավոր Տավուսում. Ադրբեջանը նոր պահանջներ է դրել, չորս գյուղ է պահանջում, ու իշխանությունն էլ կարծես չի պատրաստվում պայքարել, ասում են՝ պետք է սահմանափակում արվի:

«Ռե գիտեք, եթե մի հողակտոր, մի հայրենիք տեր չունի, ամեն ինչ էլ սպասեք՝ ե՛ն չորս գյուղերը, ե՛ն էն մյուս գյուղերը, ե՛ն Զանգեզուրի միջանցքը: Բանն այն է, որ տվյալ իշխանությունը կարծում է, համոզված է, որ իր արածի համար պատասխան չի տալու, ինչպես պատասխան չտվեցին այս երկիրը թալանողները, ժողովրդի ողնաշարը կոտորողները, ազգային գաղափարախոսությունը սպանողները: Նույն ձեռքով մտածում է սա, որ ոչ մի բանի համար պատասխան չի տալու, կտան կզնա: Իրենց համար հայրենիքը կարելու է:

«Բայց որ տան, Ադրբեջանը կհանդարտվի, նոր պահանջներ չի դնի:

«Բացարձակապես, ախորժակը ավելի կմեծանա, կուզի ուրիշ բաներ՝ Զանգեզուրի միջանցք է այլև: Հասկանում եք, եթե չտանք, պատերազմ չի լինելու, եթե տանք, լինելու է, հայ ժողովրդին ստրկացնելու են, հայ ժողովուրդը դառնալու է այստեղի փախստ: Ադրբեջանը դա է անում Թուրքիայի հետ, իսկ մենք չենք

դիմադրում դրան, աշխարհն էլ չի խառնվում, ասում է՝ եթե հայերը դա ուզում են, ուրեմն այդ տեսակն են մարդու, այդ ժողովուրդն են:

«Հանրության անտարբերությունը ինչի՞ կբացատրեք:

«Անտարբերությունը 30 տարվա հալածանքների, ստորագումների, 30 տարի ազգային գաղափարախոսությունը փշրե-

լու հետևանք է, երբ որ քո գլուխգործոց նախագահներից մեկն ասում է, որ մեր պաշտպանվածությունը մեր անպաշտպան լինելու մեջ է. դուք թռչուն եք, հավիկ եք, ձեզ հետ ոնց ուզեն կվերաբերվեն, դա է ձեր պաշտպանվածությունը, դուք եզ եք, գնացե՛ք ձեր մի կտոր խոտը կերեք:

Զրույցը ԶՐԻՍՏԻՆԱ ՍՈՒՇԵՐՅԱՆԸ



ԽՆԴԻՐՆԵՐ ԿԼԻՆԵՆ



«Քննարկումներ միշտ լինում են, Հայաստանը հաշվի է առնում բոլոր օգուտներն ու վնասները, որոնք կարող են լինել որեւէ որոշման դեպքում: Այս պահին մենք ԵՍՄ անդամ ենք, կատարում ենք մեր պարտավորությունները, վճարում ենք ընդհանուր մաքսատուրքերը ԵՍՄ բյուջեին եւ այստեղից ստանում մեր բաժինը, ընդ որում՝ շատ ավելի քիչ, քան վճարում ենք»,- մարտի 28-ին՝ ՀՀ ԱԺ-ում հրավիրված մամուլի ասուլիսին, նշեց «Քաղաքացիական պայմանագիր» խմբակցության պատգամավոր, ԱԺ տնտեսական հանձնաժողովի փոխնախագահ Բաբկեն Թունյանը՝ անդրադառնալով լուրերին, ըստ որոնց՝ ԵՄ-ին անդամակցության հայտ ներկայացնելու միասնական համաձայնության չկա ԶԳ խմբակցությունում՝ հաշվի առնելով մտահոգությունները, որ Հայաստանի տնտեսությունը կապված է ՌԴ հետ, ու կարող են խնդիրներ առաջանալ:

Նա նշեց, որ զուգահեռաբար նաեւ Եվրամիության եւ այլ շուկաների ինտեգրման ուղղությամբ են աշխատում: «Այս պահին ինչ-որ առարկայական, կտրուկ գործողության մասին խոսք չկա: Եթե լինի ռեալ խոսակցություն, կլինի համապատասխան հայտարարություն եւ կմոնիկացիա»,- ասաց Թունյանը:

ԶԳ-ական պատգամավոր Մարինա Կարապետյանն էլ հավելեց, որ երկրները երբեք ինքնուրույն որեւէ շուկայից չեն հրաժարվում, եթե կոնկրետ քաղաքական դրդապատճառ չկա: «Հետեաբար, ինչո՞ւ Հայաստանը պետք է ինքնուրույն գնա սահմանափակման իր շուկաների: Խոսքն այլ բանի մասին է, որ Հայաստանը պետք է ընդլայնի, դիվերսիֆիկացնի իր շուկաները: Այդ ուղղությամբ ենք մեր շարժվում: Եթե այնպես կստացվի, որ մի շուկա ավել կբացվի, հրաշալի է, եթե մի շուկա ավելի սահմանափակ կդառնա, ապա ավելի ինտենսիվ պետք է այլընտրանքային շուկաներ փնտրենք: Աս է տնտեսության տրամաբանությունը»,- ասաց նա:

ԻՐ ՄԵՓԱԿԱՆ ՈՒԺԵՐՈՎ

Թուրքիայի նախագահ Ռեջեփ Թայիփ Էրդողանը Բուրսայում կայացած հանրահավաքի ժամանակ խոսել է տարածաշրջանում Թուրքիայի քայլերի դեմ միջազգային ուժերի հակազդեցության մասին:

Թուրքական TRT-ի փոխանցմամբ՝ Թուրքիայի նախագահ Ռեջեփ Թայիփ Էրդողանը հայտարարել է, թե Թուրքիայի գործողություններին Սիրիայում, Լիբիայում, Միջերկրական ծովում եւ Ղարաբաղում հակազդել են միջազգային ուժերը: Նա պնդել է, թե Թուրքիան իր սեփական ուժերով եւ պայքարով կարողացել է հաջողության հասնել այդ տարածաշրջաններում:

ԱԶՍԿՑՈՒԹՅՈՒՆԸ ԿԵՐԿԱՐԱԶԳՎԻ

ՀԱՆՐԱՅԻՆ ՃՆՇՄԱՆ ԱՐԴՅՈՒՆՔՈՒՄ

ՀՀ կառավարությունը հաստատեց մի որոշում, որով Երևանի քաղաքում է բռնի սեղանակալված արցախցիներին սրվել բնակվարձի եւ կոմունալ ծախսերի համար 50,000 դրամ ամսական աջակցություն մինչև արեւելքը:

Արցախի նախկին ՄԻՊ, նախկին պետ-նախարար Արտակ Բեգլարյանի գնահատմամբ՝ լավ է, որ այս ծրագրում վերջապես ներառվել են նաեւ 2020թ. տեղահանված անձինք՝ բացառությամբ 2022թ. ընդունված բնակարանային ծրագրի շահառուների:

«Ողջունելի է այս որոշումը, որին բոլոր տեղահանվածներն են սպասել՝ որպես առկա կարիքների մասնակի բավարարման միջանկյալ ու կարելու միջոց: Այս որոշման արդյունքում որոշակիորեն նվազելու է նոր թափ առած արտագաղթի ալիքը:

Սա հերթական օրինակն է, թե ինչպես հանրության համախմբումն ու հավաքական ձայնի արդարացի բարձրացումը կարող է հաջողություն ապահովել: Այս որոշումն ակնհայտորեն Արցախի ժողովրդի կարիքների ապահովման նախաձեռնության մեկնարկն է պայքարի արագ արդյունքներից է, քանի որ նախքան մեր պայքարի մեկնարկը ՀՀ իշխանությունները քանիցս հայտարարել էին, որ ապրիլից նշանակալիորեն կրճատելու են ծրագիրը՝ աջակցություն տրամադրելով միայն երեխաներին: Այնինչ երբ զգացին հանրային հիմնավոր ու լայն ճնշումը, լրիվությամբ վերանայեցին իրենց մտադրությունները եւ ընդունեցին ավելի ներառական ու արդար ծրագիր, քան նույնիսկ այս վեց ամսվա ընթացքում գործող ծրագիրն է:



Թեեւ մեր պայքարի ու հանրային ճնշման արդյունքում որոշակի դրական միտումներ են նկատվում նաեւ բնակարանային սպասվող ծրագրի կանխավ հայտարարված մոտեցումների վերանայման հարցում, սակայն դեռ մի շարք սկզբունքային խնդիրներ լուծման կարիք ունեն:

Դրանց եւ մեր հիմնարար դիրքորոշումներին կարելի է ծանոթանալ մարտի 20-ի հանրահավաքում ընդունված մեր հայտարարության տեքստում: Սակայն ամենակարեւորն այն է, որ բոլոր մարդասիրական ծրագրերը պետք է սպասարկեն Արցախ մեր հավաքական, անվտանգ ու արժանապատիվ վերադարձի տեսլականին, որի ուղղությամբ նույնպես ՀՀ կառավարությունը կարելու անելիքներ ունի: Վերջիվերջո, բուն խնդիրը քաղաքական է՝ բխելով մեր հավաքական իրավունքներից ու շահերից, սակայն ոչ զուտ մարդասիրական կարիքներից:

ՀՀ կառավարությունն ու միջազգային կազմակերպությունները դեռեւս լրջագույն խնդիրներ ունեն Արցախի ժողովրդին վերաբերող որոշումների կայացման ներառականության հարցում հաճախակի կամ ընդհանրապես չապահովվելով ներառականություն, կամ կեղծ ու ձեւական ներառականություն խաղալով: Ինչո՞ւ պետք է սխալ ու թերի որոշումներ կայացվեն առանց մեր հանրության ու Արցախի պետական մարմինների կարծիքներն ու առաջարկները հաշվի առնելու, հետո բախվեն լայնածավալ բացասական հետեւանքների ու հանրային դժգոհության՝ ստիպված մտածելով սխալները սրբազրելու մասին...

Նախաձեռնությունն էլ, վստահ եմ, շարունակելու է իր պայքարը Արցախի ժողովրդի իրավունքների ու շահերի պաշտպանության համար՝ չնայած տարաբնույթ ու բազմադրյուր շահարկումներին, դժվարություններին ու ճնշումներին»:

ԱՐԱՐԵԿՉՈՒԹՅՈՒՆ

ՄԻՆՉ ՕՐՍ ՎԵՐԼՈՒԾՈՒՄ ԵՆ ԳԵՂՔԸ

Մարտի 24-ին՝ ժամը 17:00-ին, ՀՀ ՆԳՆ ոստիկանության Նոր Նորքի բաժանմունքի ներխուժեցին 3 զինված ֆաղաֆաղներ: Նրանցից 1-ը իրեն դայթեցրած նռնակից վնասվածքներով այս պահին հիվանդանոցում է, իսկ երրորդ անձին ԱՄՏ հասուկ ջուրհանում են: Ի՞նչ իրավիճակ է նռնակի դայթյունից 4 օր անց Ներքին գործերի նախարարության Նոր Նորքի ոստիկանության բաժնում:



ArmLur.am-ի նկարահանող խումբը դեպքի վայրում էր:

Հիշեցնենք, որ ՀՀ քննչական կոմիտեն պաշտոնապես հայտնեց, որ Ս. Յ. Ն. և Վ. Գ. Ն. եւ Ա. Մ. Ն., ունենալով հակա-իշխանական հայացքներ, հանրային իշխանության մարմինների գործունեությունը կազմալուծելու, պետական ծառայող հանդիսացող ՀՀ ՆԳՆ ոստիկանության Երեւան քաղաքի վարչության Նոր Նորքի բաժնի ծառայողներին իրենց պարտականությունները կատարելուց հրաժարվելու, ինչպես նաեւ իրենց պահանջները կատարելու հարկադրելու նպատակով 2024թ. մարտի 24-ին՝ ժամը 17:00-ից 17:15-ն ընկած ժամանակահատվածում, ապօրինի կերպով ձեռք բերած եւ յուրաքանչյուրի մոտ գտնվող ռազմամթերք հանդիսացող երկուական ձեռքի մարտական նռնակներով մուտք են գործել ՀՀ ՆԳՆ ոստիկանության Երեւան քաղաքի վարչության Նոր Նորքի բաժնի վարչական շենք:

հատվածը տեղի ունեցած պայթյունի հետևանքով վնասվել է, իսկ Ս. Յ. Ն., շարունակելով իրենց հանցավոր նպատակին ուղղված գործողությունները, նռնակները ձեռքերին պահած, շուրջ 2 ժամ սպառնացել է պայթեցնել ոստիկանության բաժնի վարչական շենքը եւ ՀՀ-ում իրականացնել հեղափոխություն, սակայն վերջինս վնասազերծվել է զինաթափվել է ՀՀ ոստիկանության եւ ՀՀ ազգային անվտանգության ծառայության աշխատակիցների կողմից:

Շենքը պայթեցնելու սպառնալիքով, ձեռքերում ցուցադրական պահելով վերը նշված, այդ թվում՝ արդեն մարտական վիճակի բերված նռնակները, վերջիններս հերթապահ մասում ծառայություն իրականացնող ոստիկաններից պահանջել են ազատ արձակել իրենց համախոհներին, բացել հերթապահ մասի դուռը: (Խմբ.՝ Նշենք, որ այդ օրը իրավապահները համատարած ձերբակալում էին «Մարտական եղբայրության» անդամներին, որոնք, երկրում առկա վիճակով պայմանավորված, գնացել էին Ոսկեպար):

Եվ, ահա, ձեռք բերված փաստերի հիման վրա՝ վարույթն իրականացնող մարմինը միջնորդություններ է ներկայացրել հսկող դատախազին՝ առերեսությամբ հանցավոր արարքները կատարած երեք անձանց՝ Ս.Յ.-ի, Վ.Գ.-ի եւ Ա.Մ.-ի նկատմամբ հանրային քրեական հետապնդում հարուցելու վերաբերյալ:

Նրանք հանդիպել են ոստիկանության ծառայողների դիմադրությանը, ինչի պայմաններում Ա. Մ.-ի ձախ ձեռքում պահված նռնակը ընկել է, ոստիկանության բաժնի հերթապահ մասի դիմացի

Դատախազի կողմից հիշյալ միջնորդությունները բավարարվել են, եւ նշ-

ված երեք անձանց ներկայացվել է մեղադրանք՝ ՀՀ քրեական օրենսգրքի 308-րդ հոդվածի 1-ին մասով (ահաբեկչությունը) եւ 335-րդ հոդվածի 2-րդ մասով (խմբի կազմում հրազենի, դրա հիմնական բաղկացուցիչ մասերի, ռազմամթերքի եւ այլ նյութերի, սարքերի, առարկաների ապօրինի շրջանառությունը) նախատեսված հանցավոր արարքներ կատարելու համար:

Միջնորդություններ են ներկայացվել դատարան՝ Ս.Յ.-ի եւ Վ.Գ.-ի նկատմամբ որպես խափանման միջոց կալանավորումն ընտրելու վերաբերյալ, որոնք դատարանի որոշմամբ բավարարվել են:

Ա.Մ.-ն շարունակում է ստացիոնար բուժումը բուժհաստատությունում:

Իրավիճակից 4 օր անց տարածքում ապրող բնակիչները մինչ օրս հիշում են դեպքը ու վերլուծում՝ ինչի հասան կատարողները:

ԵՆԱՐ ՄԱՆՈՒԿՅԱՆ

ՔՐԵԱԿԱՆ ՔՐՈՆԻԿՈՆ

ԳՈՒՄՏՐԸ՝ ՎԹԱՐԻ ԿԻՉԱԿԵՏՈՒՄ

Խոշոր ու շրջայական ավտոմեք է տեղի ունեցել Երեւանում. «Արաբո» ջոկատի հրամանատար Մանվել Եղիազարյանի դուստրը վթարի կիզակետում է հայտնվել: Հղի կնոջ եւ երեխայի են տեղափոխել հիվանդանոց ու վիրահատում են: ArmLur.am-ը գրուցել է Մանվել Եղիազարյանի հետ, որը մասնամասն էր պատմեց դեպքից:

shamshyan.com-ը գրել էր, որ մարտի 28-ին խոշոր ու շրջայական ավտոմեք է տեղի ունեցել Երեւանում: Ժամը 08:30-ի սահմաններում Երեւանի բնակիչ 51-ամյա Պարույր Բաբայանը իր վարած «Toyota» մակնիշի ավտոմեքենայով Խորենացի փողոցում ոստիկանության էրեբունու բաժնի հրամանատար, բախվել է «Mercedes» մակնիշի ավտոմեքենային, ապա մոտ 500 մետր առաջ ընթանալով՝ բախվել է «Nissan Tiida» եւ «Hyundai» մակնիշի ավտոմեքենաներին:

Վթարի հետեւանքով 2 հոգի, որոնց առաջինն օգնության են հասել քաղաքացիներն ու ՀՀ Ներքին գործերի նախարարության փրկարար ծառայության Երեւանի թիվ 16 փրկարարական ջոկատի փրկարարներն ու Երեւանի 1-03 շտապօգնության բժիշկների հերթապահ խմբերը, տեղափոխվել են՝ 12-ամյա երեխան՝ «Սուրբ Աստվածամայր» բժշկական կենտրոն, իսկ նրա մայրը՝ «Էրեբունի» բժշկական կենտրոն:

ԹԱՎԱՆԵԼ ԵՆ «ԶԻԳՉԱԳԸ»

Օրեր առաջ Երեւանում թալանել են Սայաթ-Նովա պողոտայում գործող հայտնի «Զիգզագ» խանութը. հայտնում է shamshyan.com-ը:

Մարտի 21-ին Հայաստանի Հանրապետության Ներքին գործերի նախարարության ոստիկանության կենտրոնական բաժնի ահազանգ է ստացվել Ռոբերտ Կ.-ից, որը հայտնել է, որ նույն օրը՝ ժամը 05:30-ից 05:40-ն ընկած ժամանակահատվածում, անհայտ անձը ոտքով կոտրել է Սայաթ-Նովա 20 հասցեում գործող «Զիգզագ» խանութի մուտքի ապակյա դուռը, մտել ներս եւ այնտեղից հափշտակել տարբեր տեսակի 13 բջջային հեռախոս:

«Զիգզագ» խանութ-սրահի տնօրենի տեղակալ Արթուր Զանոյանը իրավապահներին հայտնել է, որ գողության հետեւանքով պատճառվել է 5 մլն 500 հազար դրամի վնաս:

Դեպքի փաստով նախաձեռնվել է քրեական վարույթ, ձեռնարկվում են անհրաժեշտ հետախուզական եւ քննչական համատեղ գործողություններ՝ գողություն կատարած անձի ինքնությունը պարզելու, նրան եւ գողընդ հայտնաբերելու ուղղությամբ:

Նկատենք, որ «Զիգզագ» ՍՊԸ-ի ղեկավարը Էդուարդ Աղաջանյանի հայրն է՝ Արթուր Աղաջանյանը:

«ՓԱՍՏԱԲԱՆԱԿԱՆ ՀԵՏԱԸՆՆՈՒԹՅՈՒՆ»

ՄԵՂԱԴԻՐԱՆՔԻ ԱՆՆԻՄՆ ԼԻՆԵԼՈՒ ՄԱՍԻՆ

«LSA» փաստաբանական գրասենյակի փաստաբաններ Արսեն Սարգսյանն ու Գուրգեն Ներսիսյանը շարունակում են դեռելու 2024թ. հունվարի 31-ին ՀՀ քննչական կոմիտեում քննվող ֆրեական վարույթով ձերբակալված՝ ՀՀ էկոնոմիկայի նախարարության վարչության ղեկավար Ս.Մ.-ի դատավարական դատախազությունը, ում նկատմամբ հարուցվել էր հանցային ֆրեական հետադուրում, եւ որդես խափանման միջոց էր ընտրվել կալանքը:

րացնելու միջնորդություն, որը դատարանի 27.03.2024թ. որոշմամբ ամբողջությամբ մերժվել է (ՀՀ հակակոռուպցիոն քրեական դատարանի դատավոր Ս. Դավթյան), Ս.Մ.-ն շուտով կլինի ազատության մեջ: Միջնորդության քննարկման ժամանակ պաշտպանների կողմից դատարանին ներկայացվել են այնպիսի փաստեր, որոնք ամբողջությամբ բացահայտել են Ս.Մ.-ին կալանքի տակ պահելու անհրաժեշտության եւ հիմքերի բացակայությունը:

2024թ. նախաքննական մարմնի կողմից դատարան էր ներկայացվել Ս.Մ.-ին կալանքի տակ պահելու ժամկետը երկա-

նշված գործով մեղադրանքի անհիմն լինելու մասին պաշտպաններ Արսեն Սարգսյանն ու Գուրգեն Ներսիսյանը արդեն առիթ ունեցել են խոսելու, բայց

Ս.Մ.-ի նկատմամբ քրեական հետապնդում հարուցվելուց հետո փաստաբանների կողմից նախաքննությանը գրեթե զուգահեռ «փաստաբանական հետաքննություն» էր իրականացվել, որի շրջանակում ի հայտ են եկել այնպիսի տեղեկություններ, որոնք ամբողջությամբ ապացուցում են Ս.Մ.-ի անմեղությունը: Այդ ապացույցների մի մասը ներկայացվել է, իսկ մնացյալը առաջիկայում կներկայացվի նախաքննական մարմնին: Հուսով ենք իրավապահ մարմինները կգտնեն իրենց մեջ խիզախություն, կոռուպցիոն Ս.Մ.-ի անմեղությունը եւ կվերացնեն նրա իրավունքների սահմանափակումները:

● Ըստ ոստիկանության տվյալների՝ մարտի 27-ից մարտի 28-ը ՀՀ ՆԳՆ ոստիկանության ստորաբաժանումները բացահայտել են հանցագործության 72 դեպք, որոնցից 7-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՆՈՐԻՑ ԳՊՐՈՑ Է ԳՆՈՒՄ

2023թ. աշնանը Բերդ համայնքի Վերին Կարմիրաղբյուր գյուղում բացահայտվել էր 14-ամյա աղջկա հետ գյուղի չափահաս տղամարդկանց սեռական հարաբերություններ ունենալու դեպք, հարուցվել էր քրեական գործ, որի շրջանակներում նույն գյուղի բնակիչ, 58-ամյա եւ 57-ամյա տղամարդկանց նկատմամբ խափանման միջոց է ընտրվել տնային կալանքը: 14-ամյա աղջիկը կատարվածից հետո դպրոցում ուսումնառությունը թողել էր, տեղափոխվել Բերդ քաղաքում ապրող իր հարազատի մոտ: Այդ աղջկա հետ կատարված դեպքի կապակցությամբ Տավուշի մարզպետի աշխատակազմի աշխատակիցների, Բերդ համայնքի խնամակալության եւ հոգաբարձության մարմնի, ՄՍԾ Բերդի տարածքային կենտրոնի, ոստիկանության համապատասխան աշխատակիցների եւ համայնքում գործող երեխայի հարցերով զբաղվող 34-ների ու միջազգային գործընկեր կառույցների ներկայացուցիչների մասնակցությամբ տեղի էր ունեցել քննարկում, որի ընթացքում քննարկվել էին դեպքի հանգամանքները եւ երեխայի հետ իրականացվելիք առաջնային քայլերը: Տավուշի մարզպետ Յայկ Ղալումյանին հարցում ենք ուղարկել՝ 14-ամյա աղջկա հետագա ուսումնառության, նրա բնակության վայրի հետ կապված: Մարզպետարանի պատասխանում նշված է. «33 Տավուշի մարզի Բերդ բնակավայրի Վ. Կ. Աղբյուրի միջև. դպրոցի 8-րդ դասարանի աշակերտուհու դեմ կատարված ոտնձգությունների հետեւանքով երեխայի բարոյահոգեբանական վիճակի եւ նրա կրթական իրավունքի վերականգնման ուղղությամբ 33 Տավուշի մարզպետի աշխատակազմը իրականացրել է որոշակի աշխատանքներ: Մարզպետի աշխատակազմը մշտապես համագործակցել է Բերդ համայնքի խնամակալության եւ հոգաբարձության մարմնի, դպրոցի տնօրենի, ՆԳՆ ոստիկանության Տավուշի Մ/Վ Տավուշի տարածքային բաժնի ԱԳ եւ ԸԲԿ խմբի տեսուչների եւ համայնքում գործող «Տավուշ» բարեգործական հիմնադրամի հետ: Հետետողական եւ համատեղ աշխատանքների արդյունքում երեխան վերադարձել է հանրակրթություն: Ներկայումս նա սովորում է Վ. Կ. Աղբյուրի միջնակարգ դպրոցի 9-րդ դասարանում, կառավարող հաճախում է դասերի: Երեխան բնակվում է Բերդ քաղաքում մայրական կողմի պապիկի տանը: Երեխան տատիկի կամ մորաքրոջ ուղեկցությամբ շաբաթական 3 անգամ հաճախում է «Տավուշ» բարեգործական հիմնադրամ, որտեղ ստանում է սոցիալ-հոգեբանական աջակցություն: Տատիկի եւ ընտանիքի մյուս անդամների հետ տարվող աշխատանքները կրում են շարունակական բնույթ: Երեխայի հոր հետ եւս շարունակվում են տարվել ծնողական հիմնությունների զարգացման ուղղված աշխատանքներ»:

ՈՍԿԱՆ ՄԱՐԶԱՅԱՆ
Տավուշ

ԱՐՑԱՆ

«ՀԱՊԱՂԵԼԸ ԿԱՐՈՂ Է ԿՈՐԾԱՆԱՐԱՐ ԼԻՆԵԼ»

Մարտի 20-ի հանրահավաքից հետո Արցախի ժողովրդի կարիքների ադահովման նախաձեռնությունը դաստիարակող հանրագիր է ուղարկել ՀՀ վարչապետին՝ ներկայացնելով հանրահավաքում ընդունված հայտարարությունը: Մարտի 27-ին նախաձեռնությունը դիմումներ է հղել ՀՀ Ազգային ժողովի երեք խմբակցություններին՝ նրանց ուղարկելով հայտարարությունը եւ առաջարկելով ՀՀ Ազգային ժողովում կազմակերպել խորհրդարանական լուսններ բարձրացված հարցերի շուրջ: Ներկայացնելով հանրահավաքի արդյունքները՝ նախաձեռնությունն ակնկալում է, որ ՀՀ իշխանությունները երկաթաքայա ժամկետում ներառական ու արդյունավետ ֆինանսումներ կսկսեն եւ հսակ դիրքորոշում կհայտնեն ներկայացված հարցերի շուրջ, որոնցից հնարավոր լինի ավելի մանրամասն ֆինանսումներ իրականացնել հեռագրային կապի վերաբերյալ: Հանրագրի մեջ նախաձեռնությունը նշել է նաեւ, որ հետադական են լինելու Արցախի ժողովրդի հավաքական իրավունքների դաստիարակության եւ կարիքների բավարարման հարցերում՝ կիրառելով օրինական բոլոր միջոցներն այդ ճանադարին եւ զեռն մնալով հայ ժողովրդին ու Հայաստանի Հանրապետությանը վնաս հասցնող որեւէ ֆայլից:



թյունների, եւ հարցուպատասխանի ժամանակ»,- նշեց Սեյրան Օհանյանը: Անդրադառնալով արցախցիների հնարավոր ետվերադարձին՝ Օհանյանը առանձնացրեց երեք հանգամանք, որ պիտի հաշվի առնվի: «Առաջին հերթին պետք է նշենք, որ հակամարտությունը չի ավարտվել: Աղբյուրի կողմից «հակահաքակցական» գործողությունները, որ իրականացվեց երկարատեւ շրջափակումից հետո, հանցագործություն էր Արցախի ժողովրդի նկատմամբ: Տեղահանման ցեղասպանություն իրականացնելով՝ Աղբյուրը հակամարտությունն ավելի խորացրեց: Աղբյուրը միջազգային հանցագործություն կատարեց, որի համար պիտի պատասխան տա: Երկրորդ հերթին պետք է պահպանել Արցախի սուբեկտայնությունը: Արցախի ամբողջ քաղաքական, հասարակական հարթակները պետք է աշխատեն, եւ նրանց աշխատանքի հիմքում պետք է դրված լինի արցախցիների կարգավիճակի, եւ ամենակարեւորը՝ ետվերադարձի միջազգային անվտանգության, ինչպես նաեւ Ար-

ցախում կայուն հիմքեր ստեղծելու դրույթները: Մենք տեսնում ենք ետվերադարձի խնդիրը»,- ասաց մեր գրուցակիցը՝ շեշտելով, որ այն լուրջ անվտանգային խնդիր է, որը պետք է ապահովված լինի: Անդրադառնալով երրորդ հանգամանքին՝ կրկին շեշտեց, որ հակամարտությունը դեռ չի ավարտվել, եւ որ պետք է պահպանել Արցախի սուբեկտայնությունը: «Բանակցային գործընթացը՝ կամ հիկ, կամ նոր, այլընտանք չունի: Այդ առումով Վարդան Օսկանյանի գլխավորությամբ ստեղծվել է հանձնաժողով, որտեղ համապատասխան աշխատանքներ պետք է տարվեն, որպեսզի Արցախի հարցը լուծվի: Այդ ամենի համար, որքան էլ մենք համատեղ աշխատանքային խմբեր ստեղծենք, բավարար չէ: Առաջին հերթին Արցախի իշխանությունը պետք է աշխատի: Այստեղ հապաղելը, ուշացնելը կարող է կործանարար լինել»,- ասաց Սեյրան Օհանյանը:

ՆԱՆԿ ՄԱՍՅԱՆ

ՆՈՐ ԿՎՐԳՎՈՐՈՒՄ

ՔԱՂԱՔԱՅԻՆ ՏՈՒԳԱՆՔԻ «ՄԱՏԵՐԻԱԼ» ԶԷ

Իշխանությունները փորձում են իրենք հեռագրային արդարացնել եւ դնել, որ ֆալսաբան «սուզանի մատերիալ» չէ: Կառավարության դեռ 2023 թվականի դեկտեմբերի 28-ի նիստում ներքին գործերի նախարար Վահե Ղազարյանը ներկայացրեց Հայաստանի Հանրապետության մի շարք օրենքների նախագծերին հավանություն տալու եւ ակնետաձգելի համարելու մասին հարցը: Նախագծի էությունը, ըստ Փաշինյանի, հետեւյալն է՝ եթե քաղաքացին 15 օրվա ընթացքում վճարում է տուգանքի կեսը, մնացած կեսը համարվում է վճարված, այսինքն՝ եթե 15 օրվա ընթացքում է վճարում, վճարում է կեսը: Երկրորդը հետեւյալն է. եթե քաղաքացին police.am կայքում գրանցվում է եւ ատում է՝ ինձ ծանուցումները պետք չէ թողալիս եղանակով ուղարկել, ինձ ուղարկեք էլեկտրոնային տարբերակով, դրա համար եւս 5 տոկոս գեղջ է ստանում: Նիկոլ Փաշինյանը հավելեց նաեւ, որ պետք է էլեկտրոնային գրանցման համար գեղջը սահմանել 30 տոկոս, որպեսզի խրախուսեն թվայնացմանը: 15 օրվա ընթացքում վճարելու պարագայում եւս 30 տոկոս գեղջ սահմանել: Եվ այսպես, նախագիծն ընդունվեց եւ ապրիլի 5-ից այն կկարգավորվի օրենքով: Վճարման պարտականությունը կհամարվի ամբողջությամբ կատարված, բացա-

ռությամբ տույժ նշանակելու որոշումը բողոքարկելու դեպքի: Օրինակ՝ եթե կայացվել է 5000 դրամ տուգանքի նշանակման մասին որոշում, կկիրառվի բոնուսային նվազեցում 30 տոկոսի չափով, եթե 15-օրյա ժամկետում վճարվի 3500 դրամ: Եթե քաղաքացին 15 օրվա ընթացքում վճարի տուգանքի կեսը, մնացած կեսը կհամարվի վճարված, այսպիսով կարծանագրենք, որ քաղաքացին տուգանքի «մատերիալ» չէ, սակայն այլ կարգավորումներով քաղաքացուն ստիպում են դառնալ տուգանքի մատերիալ, երբ, օրինակ, փողոցն անցնեք հետիոտնային կանաչ լույսը կարմիր փոխվելու պահին:

ԷՄՄԱ ՄԻՔԱՅԵԼՅԱՆ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 16 պատահար. 3 մարդ զոհվել է, 29-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ԾԱՌԵՐԻ ՄՊԱՆԳ Է

Մեկ հոգի որոշում է համայն հայության մայրաքաղաքի ծառերը կտրել կամ պահպանել: Արդեն 4 օր է, ինչ երեւանի կենտրոնում ծառերի սպանդ է, ու դիմադրում են միայն մի քանի անհատներ կամ երեւանի ավագանու եզակի անդամներ:

ArmLur.am-ը գրուցեց քաղաքային պլանավորման մասնագետ Վիկտոր Մնացականյանի հետ, որը մեզ փաստացի ցույց տվեց, թե հին, փարթամ ծառերին ինչ ծառերով են փոխարինել, և ինչ է սպասվում երեւանցիներին ամռանը:

Վիկտոր Մնացականյանի հետ ArmLur.am-ը շրջաց կատարեց ծառահատված թունախառն փողոցում հետաքրքրվելով, թե ինչպես են վերաբերվում բիզնեսի ներկայացուցիչները իրենց մայրերից անհետացած մեծ ու փարթամ ծառերի ջարդին: Պարզվեց, որ անտարբերությունն ավելի մեծ էր:

Բարեբախտաբար, կային նաև բիզնեսի ներկայացուցիչներ, որոնք իրենց ցասումն արտահայտեցին, սակայն նրանք բացառություններ էին:

Հանդիպեցինք նաև քաղաքացիների, որոնք իրենց դժգոհությունն արտահայտեցին ծառերի ջարդի առիթով:

Սա այսպես, ժողովրդավարական հռչակված երկրում միանձյա որոշմամբ իշխանությունը Արմեն Բեգոյանի ձեռամբ վերացնում է երեւանի ինքնությունը, ձեռագիրը և պատմությունը:

ԱՃԸՆՏԱՆԻՔՈՒՄ

Հայաստանում գրանցվել է ընտանիքում երրորդ և հաջորդ երեխայի ծնունդների մասով աճ:

Այս մասին ասաց աշխատանքի և սոցիալական հարցերի նախարար Նարեկ Մկրտչյանը ԱԺ մարդու իրավունքների պաշտպանության և հանրային հարցերի հանձնաժողովի նիստում 33 կառավարության ծրագրի (2021-2026 թթ.) 2023 թվականի կատարման ընթացքի և արդյունքների մասին զեկույցի քննարկմանը:

Ըստ նախարարի՝ վերջին տարիներին իրականացված միջոցառումները զգալի կերպով ազդում են ծնունդների կարգաթվային կառուցվածքի վրա:

«Ունենք աճ ընտանիքում երրորդ և յուրաքանչյուր հաջորդ երեխայի ծնունդների մասով: Օրինակ՝ 2018 թվականին ծնվել է ընտանիքում երրորդ և հաջորդ կարգաթվով 8271 երեխա, 2022-ին այդ թիվը կազմել է 11 հազար 956, աճը կազմել է 44.6 տոկոս: Բնականաբար, կարող ենք արձանագրել, որ մեր այս միջոցառումը տվել է դրական արդյունքներ», - ասաց Մկրտչյանը:

2022 թվականի հունվարից գործող «Ընտանիքում ծնված երրորդ և յուրաքանչյուր հաջորդ երեխայի ծննդյան կապակցությամբ դրամական աջակցություն» ծրագրի շրջանակում, 2023-ի դեկտեմբեր ամսվա տվյալներով, աջակցություն է տրամադրվել 21 հազար 804 երեխայի համար:

Նախարարը հիշեցրեց, որ 2023 թվականին վերանայվել է մինչև 2 տարեկան երեխայի խնամքի նպաստի համակարգը. նոր փոփոխությամբ խնամքի նպաստ են ստանում բոլոր մայրերը՝ անկախ աշխատել-չաշխատելու հանգամանքից:

ԿՐԹՈՒԹՅՈՒՆ

ԱՊՕՐԻՆԻ ԿԸՆՏՐՎԻ ԱՅԼ ԱՆՁ

2024 թվականի մարտի 29-ին՝ այսօր, կայանալու են Վալերի Բրյուսովի անվան դեռահաս համալսարանի ղեկավարի փակ ընտրությունները:

ArmLur.am-ը օրեր առաջ գրել էր, որ 2022 թվականի դեկտեմբերի 9-ին Բրյուսովի անվան պետական համալսարանի հոգաբարձուների խորհրդի նիստում փակ էլ գաղտնի քվեարկության արդյունքներով ղեկավարի պաշտոնում ծայնների մեծամասնությամբ (12/8 ձայների համամասնությամբ) ընտրվել էր Կարինե Հարությունյանը: Սակայն, մրցույթում պարտված Նույն Դավիթ Գյուրջիյանը դատական կարգով բողոքարկել էր մրցույթի արդյունքները՝ պահանջելով դրանք անվավեր ճանաչել: Արդյունքում մրցույթի արդյունքները՝ Կարինե Հարությունյանի ղեկավարի պաշտոնում ընտրվելու մասին, չհաստատվեցին կառավարության կողմից: Ավելին՝ Կարինե Հարությունյանը եւս դիմել էր դատարան՝ մրցույթը կայացած համարելու և կառավարությանը դրանց արդյունքները հաստատել պարտավորեցնելու պահանջներով: Դատական գործերը դեռեւս ընթանում են, և դատարանը որեւէ որոշում չի կայացրել:

Հարց է առաջանում ինչպե՞ս է համալսարանի հոգաբարձուների խորհուրդը հայտարարել բաց մրցույթ, երբ դատական քննությունը ավարտված չէ, և նախորդի արդյունքները անվավեր ճանաչված չեն:

Սա «Բարձրագույն և հետբուհական մասնագիտական կրթության մասին» օրենքի ակնհայտ խախտում է:

ArmLur.am-ը ներկայացնում է այն բացառիկ փաստաթուղթը, որը հաստատված է Հայաստանի Հանրապետության ԿԳՄՍ նախարար Ե. Հաջուրյանի հանձնաժողովի նախագահ Ժաննա Մուրադյանի ստորագրությամբ, ըստ որի՝ ղեկավարի ընտրությունում ծայնների մեծամասնությամբ հաղթել է Կարինե Հարությունյանը: Կառավարությունից այս փաստաթուղթը չեն հաստատել, և իշխանության «սրտի» այժմյան ղեկավարի Ժամանակավոր պաշտոնակատար Դավիթ Գյուրջիյանը հասել է իր ուզածին:



Ստացվում է, որ փաստացի կա ղեկավարի և Կարինե Հարությունյանի միջև հարցեր: Կառավարությունից այս փաստաթուղթը չեն հաստատել, և իշխանության «սրտի» այժմյան ղեկավարի Ժամանակավոր պաշտոնակատար Դավիթ Գյուրջիյանը հասել է իր ուզածին:

Ստացվում է, որ փաստացի կա ղեկավարի և Կարինե Հարությունյանի միջև հարցեր: Կառավարությունից այս փաստաթուղթը չեն հաստատել, և իշխանության «սրտի» այժմյան ղեկավարի Ժամանակավոր պաշտոնակատար Դավիթ Գյուրջիյանը հասել է իր ուզածին:

ԷՄՄԱ ՄԻՔԱՅԵԼՅԱՆ

ԿԳՄՍ

ԱՐՏԱՂԵՐԹ ԿԱՄԱՎՈՐ ԱՏԵՍՏԱՎՈՐՈՒՄ

Հայաստանի կրթության, գիտության, մշակույթի և սպորտի նախարարությունը, հասցի առնելով բարձրագույն կրթություն չունեցող մասնագետների հետագա մասնագիտական գործունեությունը և կարևորելով նրանց սարհների փորձառությունը, մարտի 28-29-ին նախատեսված է արժանիք կամավոր ստեստավորման գործընթաց, այս մասին հաղորդագրություն է տարածել ՀՀ ԿԳՄՍ նախարարությունը:

Ատեստավորման ընթացքին հետեւել է ԿԳՄՍ նախարարի տեղակալ Արաքսիա Սվաջյանը՝ այցելելով Հակոբ Կարապետցի անվան թիվ 6 և Լեւոն Միրիջանյանի անվան թիվ 155 հիմնական դպրոցներ:

Նախարարի տեղակալը շրջել է քննական սենյակներում և հաջողություն մարդկային ուսուցիչներին՝ հույս հայտնելով, որ նրանք դրական արդյունքներ կգրանցեն ու հաղթահարելով ատեստավորման շեմը՝ կշարունակեն մանկավարժական գործունեությունը:

Գնահատման և թեստավորման կենտրոնի տվյալներով թիվ 6 դպրոցի քննական կենտրոնում 78 հայտագրված մասնակիցներից ատեստավորմանը ներկայացել է 62-ը: Թիվ 155 դպրոցի քննական կենտրոնում հայտագրվել է 100 ուսուցիչ, որոնցից ատեստավորմանը ներկայացել է 84-ը:

Նշենք, որ կամավոր ատեստավորման թեստերը կազմվում են հանրակրթական դպրոցի ծրագրին և դասագրքին համապատասխանության սկզբունքով:

Միաժամանակ տեղեկացնում ենք, որ կամավոր ատեստավորման այս փուլը չհաղթահարելու դեպքում բարձրագույն կրթություն չունեցող ուսուցիչները հնարավորություն չեն ունենալու հանրակրթական դպրոցներում ուսուցչական հետագա գործունեություն իրականացնել, մինչև չապահովեն «Հանրակրթության մասին» ՀՀ օրենքով ուսուցչին ներկայացվող պահանջները:

Հիշեցնենք, որ «Հանրակրթության մասին» ՀՀ օրենքով ուսուցիչների համար դեռեւս 2010 թվականին սահմանվել է բարձրագույն կրթության պահանջ: Օրենսդրական նշված պահանջի կատարումն ապահովելու նպատակով բարձրագույն կրթություն չունեցող ուսուցիչներին տրվել էր որոշակի ժամանակահատված, որը մի քանի անգամ արդեն իսկ երկարաձգվել է: Շատ ուսուցիչներ

այդ ընթացքում ստացել են բարձրագույն կրթություն՝ կարգավորելով վերոնշյալ խնդիրը և ապահովելով օրենքի պահանջը:

Նախորդ տարի ոչ բարձրագույն կրթությամբ մասնագետներին տրվեց հավելյալ հնարավորություն՝ կամավոր ատեստավորման մասնակցության արդյունքում համապատասխան շեմը հաղթահարելու դեպքում շարունակել մասնագիտական աշխատանքը:

Միաժամանակ տեղեկացնում ենք, որ ՀՀ ԿԳՄՍ նախարարությունը մշակում է աջակցության ծրագիր բարձրագույն կրթություն չունեցող ուսուցիչների մասնագիտական զարգացման նպատակով: Ըստ այդմ՝ ծրագրի շահառու հանդիսացող անձը, որի մասնագիտական գործունեությունը դադարեցվել է, կարող է կրթություն ստանալ ուսուցչի որակավորում շնորհող բարձրագույն ուսումնական հաստատություններից որեւէ մեկում: պետությունը կապահովի ուսման վարձի փոխհատուցում:

Բարձրագույն կրթություն չունեցող ուսուցիչների 2024 թվականի կամավոր ատեստավորումը կշարունակվի նաև մարտի 29-ին:

«ժողովորդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄԵԾԵՐ

ՀՈՒՆԵՆԻՆԵՐԻ ՊԱՏՇԱՃ ԿԱԶՄԱԿԵՐՊՄԱՆ ՀԱՄԱՐ



ՀՀ կառավարության որոշմամբ՝ դեսական բյուջեում կատարվել է վերաբաշխում՝ ԿԳՄՍ նախարարությանը գումար հասկացնելու նպատակով:

Այս մասին հաղորդագրություն է տարածել ՀՀ ԿԳՄՍ նախարարությունը:

Ըստ այդմ հատկացված 1 մլրդ 393 մլն 405.8 հազար դրամ գումարը կուղղվի անվանի կինոռեժիսոր Սերգեյ Փարաջանովի և Հայաստանի ազգային հերոս, Ֆրանսիայի պատվո լեգեոնի շքանշանակիր, աշխարհահռչակ շանսոնիե, հասարակական գործիչ Շառլ Ազնավուրի ծննդյան 100-ամյակների հոբելյանական միջոցառումների պատշաճ կազմակերպմանն ու իրականացմանը:

Սերգեյ Փարաջանովի և Շառլ Ազնավուրի ծննդյան 100-ամյակներն ընդգրկվել են ՅՈՒՆԵՍԿՕ-ի հռչակված մարդկանց և կարեւոր իրադարձությունների հոբելյանների 2024-2025 թթ. օրացույցում, և նախատեսվող հոբելյանական միջոցառումներն իրավունք ունեն հանդես գալու ՅՈՒՆԵՍԿՕ-ի տարբերակների կերպով: Հանճարեղ կինոռեժիսորի և շանսոնիեի հոբելյանները կարեւորվում են նրանց արվեստի արժեւորման, միջազգայնացման և ուրույն ստեղծագործական ժառանգության հանրահռչակման տեսանկյունից:

Սերգեյ Փարաջանովը թողել է բացառիկ ժառանգություն, որն այսօր մեծ հետաքրքրություն ունի աշխարհում, սակայն մինչ օրս մնում է չուսումնասիրված: Հոբելյանական տարվա համատեքստում բազմաթիվ օտարերկրյա կինոկազմակերպություններ ցանկություն են հայտնել կազմակերպել միջոցառումներ՝ նվիրված մեծ վարպետին, և դրանց մի մասն ընդգրկվել է հոբելյանական միջոցառումների ցանկում: Նախատեսվում են երկու տասնյակից ավելի տարաբնույթ միջոցառումներ, որոնք միտված են բացահայտելու Փարաջանով արվեստագետին, ուսումնասիրելու նրա արվեստն ու յուրօրինակ կինոժառանգությունը: ՅՈՒՆԵՍԿՕ-ի կենտրոնակայանում կայանալիք հոբելյանական միջոցառման շրջանակում ներկայացվելու են լուսանկարչական ցուցահանդես, «Նռան գույնը» ֆիլմը և ֆիլմի հատվածների ինստալյացիոն ցուցադրություն: Հոբելյանական միջոցառումների ծրագրով նախատեսված են նաև գիտաժողովներ, ցուցահանդեսներ, հրատարակչական, մարզային և կրթական ծրագրեր, Հայաստանում և արտերկրում ֆիլմերի ցուցադրություններ, տեսալսողական արտադրանք՝ ֆիլմ և ֆիլմաշար, հեռուստահաղորդում, ինչպես նաև հուշանվերների ստեղծում և տարածում:



Գումարն շրջանակում ներկայացվելու են լուսանկարչական ցուցահանդես, «Նռան գույնը» ֆիլմը և ֆիլմի հատվածների ինստալյացիոն ցուցադրություն: Հոբելյանական միջոցառումների ծրագրով նախատեսված են նաև գիտաժողովներ, ցուցահանդեսներ, հրատարակչական, մարզային և կրթական ծրագրեր, Հայաստանում և արտերկրում ֆիլմերի ցուցադրություններ, տեսալսողական արտադրանք՝ ֆիլմ և ֆիլմաշար, հեռուստահաղորդում, ինչպես նաև հուշանվերների ստեղծում և տարածում:

Շառլ Ազնավուրի ծննդյան 100-ամյակի հոբելյանական տարվա շրջանակում ամբողջ աշխարհում կազմակերպվում են միջոցառումներ՝ նվիրված ֆրանսիական երգարվեստի ամենազդեցիկ ու նշանավոր հայազգի երաժիշտներից մեկին: Նախատեսված է իրականացնել 16 տարաբնույթ միջոցառում, որոնք միտված են հանրահռչակելու նրա ժառանգությունը: Լեգենդար արտիստի և մեծ հայի 100-ամյակի շրջանակում պատրաստվել է տոնակատարությունների ընդգրկուն ծրագիր. միջոցառումներ տեղի կունենան Ֆրանսիայում, Հայաստանում և ամբողջ աշխարհում: Նախատեսված են համերգներ արտերկրում, երեւանում և ՀՀ մարզերում, ցուցահանդեսներ, հրատարակչական ծրագրեր, ինչպես նաև հուշանվերների ստեղծում և տարածում:

«ԱՐՏԱՎԱԶՆ»

ՆՎԻՐՎԱԾ ԷՐ ԱՐՄԵՆ ՋԻԳԱՐԻՄԱՆՅԱՆԻՆ

Թատրոնի միջազգային օրվա առթիվ մարտի 27-ին Հակոբ Պարոնյանի անվան երաժշտական կոմիտեի մեծահասական բաստրոնում կայացել է բաստրական դորսի «Արտավազ» 23-րդ մրցանակաբաշխությունը: Այն նվիրված էր ՀՀ ժողովրդական արտիստ Արմեն Ջիգարիանյանի հիշատակին:

«Լավագույն ռեժիսուրա» մրցանակին արժանացել է Գյումրու Վարդան Աճեմյանի անվան դրամատիկական թատրոնից Լյուդվիգ Հարությունյանի «Ինկած բերդի իշխանուհին» ներկայացումը, որը ճանաչվել է նաև «Լավագույն ներկայացում»:

«Լավագույն տղամարդ դերակատար» անվանակարգում հաղթել է Տիգրան Գաբրյանը՝ «Ինկած բերդի իշխանուհին» ներկայացման մեջ Զեսունի Վասիլ իշխանին մարմնավորելու համար, «Լավագույն կին դերակատար» անվանակարգում հաղթել է Արաքսյա Մելիքսեթյանը՝ «Շղթա» բեմադրության հերոսուհուն՝ Աննա Մարկոսյանին մարմնավորելու համար:

«Երկրորդ պլանի լավագույն տղամարդ դերակատար» անվանակարգում հաղթել է Հակոբ Պարոնյանի անվան երաժշտական կոմիտեի թատրոնի դերասան Վարդան Կուզմանյանը՝ «Գիշատիչների խնջույքը» ներկայացման շրջանակում Կարաբախի կերպարը մարմնավորելու համար, իսկ «Երկրորդ պլանի լավագույն կին դերակատար» է ճանաչվել Նառա Սանթրոնյանը՝ «Ինկած բերդի իշխանուհին» ներկայացման հերոսուհի Սաբերի մարմնավորելու համար:

Խտորել ներկայացնում ենք մրցանակակիրներին.

- «Լավագույն սցենարագր» - Կարեն Գրիգորյան, «Փոքրիկ ողբերգություններ»
- «Լավագույն զգեստների նկարիչ» - Մերի Սարգսյան, «Փոքրիկ ողբերգություններ»
- «Լավագույն լուսային նկարիչ» - Հակոբ Պողոսյան, «Ինկած բերդի իշխանուհին»
- «Լավագույն երաժշտության հեղինակ» - Վաչե Շարաֆյան, «Կողմբինա»

«Լավագույն պիես» - «Պատերազմի ցեցը», Արմինե Բոյաջյան և Նարեկ Մանուչարյան

«Լավագույն թատերախոսական» - «Գերագույն երկրպագուն», Սուսաննա Բրիկյան

«Լավագույն երիտասարդ դերասան» - Անդրանիկ Միքայելյան

«Լավագույն երիտասարդ դերասանուհի» - Անուշ Զանգիզորյան

«Լավագույն երիտասարդ բեմադրիչ» - Ժորա Մարտիրոսյան, «B 1427»

«Լավագույն մանկական ներկայացում» - «Փայլոլ»

«Լավագույն երիտասարդական ներկայացում» - «Տունը սահմանին», Արտուշ Միքայելյան

«Լավագույն պլաստիկական ներկայացում» - «Սիրո պատմություն Նյու Յորքում», Արտյոմ Գեորգյան

«Լավագույն կամերային ներկայացում» - «Գիշատիչների խնջույքը», Աշոտ Հակոբյան:

ՀՈՒՆԻ ԲՎՂՂԱՍՏՐՅԱՆ

ՄԱՐԶԱԿԱՆ

ԵՎՐՈ-2024

Հայտնի են ֆուտբոլի Եվրո-2024-ի եզրափակիչ փուլի բոլոր մասնակիցները: Վերջին ուղեգրերը նվաճեցին Վրաստանի, Ուկրաինայի և Լեհաստանի հավաքականները:

A խումբ. Գերմանիա, Շոտլանդիա, Հունգարիա, Շվեյցարիա:

B խումբ. Իսպանիա, Խորվաթիա, Իտալիա, Ալբանիա:

C խումբ. Սլովենիա, Դանիա, Սերբիա, Անգլիա:

D խումբ. Լեհաստան, Նիդերլանդներ, Ավստրիա, Ֆրանսիա:

E խումբ. Բելգիա, Սլովակիա, Ռումինիա, Ուկրաինա:

F խումբ. Թուրքիա, Վրաստան, Պորտուգալիա, Չեխիա:

Եվրո-2024-ը կանցկացվի 2024թ. հունիսի 14-ից հուլիսի 14-ը Գերմանիայի 10 քաղաքներում:

ՀԱՐՑԱԿԱՆԻ ՏԱԿ Է

Անգլիայի հավաքականի և «Մանչեսթեր Յունայթեդի» հարձակվող Մարկուս Ռեշֆորդի մասնակցությունը Եվրո-2024-ին հարցականի տակ է: Անգլիայի ազգային թիմի գլխավոր մարզիչ Գարեթ Սաութգեյթը գոհ չի եղել Ռեշֆորդի մարզավիճակից և խաղից ընկերական հանդիպումներում: Նա չի երաշխավորել Ռեշֆորդի մասնակցությունը ամռանը Գերմանիայում անցկացվելիք Եվրոպայի առաջնությանը. հաղորդում է բրիտանական The Telegraph-ը:

Եվրո-2024-ի մասնակից թիմերը իրավունք ունեն հայտավորել 23 խաղացող:

Նախորդ երկու ընկերական հանդիպումներում Ռեշֆորդը խաղադաշտում անցկացրել է 15 րոպե՝ փոխարինման դուրս գալով Բրազիլիայի թիմի դեմ խաղում (0:1):

Անգլիայի ընթացիկ առաջնությունում Ռեշֆորդը մասնակցել է 27 հանդիպման, խփել է 7 գոլ, կատարել 2 գոլ:

ՑԱՆԿԱՆՈՒՄ Է ԳԼԽԱՎՈՐԵԼ

Իտալական «Ռոմայից» հեռացված ժողովուրդը Մոնթեբելոնո ցանկանում է գլխավորել ազգային հավաքական: Պորտուգալացի մասնագետը մտադիր է ամռանը վերսկսել մարզչական աշխատանքը:

«Երկու անգամ հնարավորություն են ունեցել գլխավորել Պորտուգալիայի հավաքականը: Առաջին անգամ եղել է, երբ մարզում էի Մադրիդի «Ռեալը», բայց Ֆլորենտինո Պերեսն արգելեց: Երկրորդ անգամ այդպիսի հնարավորություն կար անցած ամռանը՝ «Ռոմայից» հեռացվելուց մի քանի ամիս առաջ, բայց չեմ ափսոսում:

Ազգային թիմ մարզելն իմ նպատակն է: Հնարավոր է՝ որեւէ հավաքական ընդունեն աշխարհի առաջնությունից, Եվրո-2024-ից կամ Ամերիկայի գավաթից Աֆրիկայի գավաթից առաջ: Տեսնենք, երկու տարի սպասելու մտադրություն չունեմ»,- Մոնթեբելոնոյի խոսքը մեջբերում է twitter.com/FabrizioRomano-ն:

Մոնթեբելոնո մարզչական կարիերայի ընթացքում գլխավորել է «Բենֆիկան», «Լեյդիան», «Պորտոն», «Ինտերը», «Ռեալը», «Չելսին», «Մանչեսթեր Յունայթեդը», «Տոտենհեմը», «Ռոման»:

●Մարտի 30-ին Երեւանի պատանի հանդիսատեսի թատրոնում տեղի կունենա «Սիդը» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՄԱՐԻԱՍ ԴԱՆԻԵԼՅԱՆԻ

ԿՐԹՈՒԹՅՈՒՆ

ՀԱՐՑ. Ո՞վ կարող է աշխատել որդես ուսուցիչ:
Աննա Ստեփանյան (26 տարեկան)



ՊԱՏԱՍԽԱՆ. Համաձայն «Հանրակրթության մասին» ՀՀ օրենքի 26-րդ հոդվածի՝ ուսումնական հաստատության ուսուցիչ կարող է լինել այն անձը, որը ստացել է բարձրագույն կրթությամբ մանկավարժական համապատասխան որակավորում կամ ունի բարձրագույն կրթություն եւ վերջին տասը տարվա ընթացքում տվյալ առարկայի մանկավարժական (կամ ուսուցչական) գործունեության առնվազն հինգ տարվա աշխատանքային ստաժ:

Առնվազն մեկ անգամ հայտարարված մրցույթի արդյունքներով ուսուցչի թափուր տեղը սահմանված պահանջները բավարարող անձով չհամալրվելու դեպքում ուսուցչի տվյալ թափուր տեղի համար հայտարարված հաջորդ մրցույթին կարող է դիմել նաեւ՝

1) տվյալ առարկայի մասնագիտական ոլորտում բարձրագույն կրթություն ունեցող եւ տվյալ մասնագիտական կրթական ծրագրով կամ առանձին մոդուլներով իրականացվող դասընթացի միջոցով մանկավարժական գործունեության հետ կապված հմտություններ ապահովող առնվազն 30 կրեդիտ հավաքած անձը,

2) բնագիտություն, տեղեկատվական հաղորդակցական տեխնոլոգիաներ, ճարտարագիտություն, մաթեմատիկա (ԲՏԾՄ) առարկաների մասնագիտական ոլորտում բարձրագույն կրթություն ունեցող անձը՝ աշխատանքի ընդունվելուց հետո՝ մեկ տարվա ընթացքում, մանկավարժական գործունեության ու ուսումնամեթոդական հմտություններ ապահովող մոդուլներով իրականացվող դասընթացի միջոցով առնվազն 30 կրեդիտ հավաքելու պայմանով:

ՀՀ ԿԳՄՍ Նախարարություն

«ԺՈՂՎՈՒՐԳ». 1-ին եւ 2-րդ կետերով սահմանված դասընթացը կարող է կազմակերպել կրթության պետական կառավարման լիազորված մարմնի երաշխավորած կազմակերպությունը կամ բարձրագույն ուսումնական հաստատությունը՝ կրթության պետական կառավարման լիազորված մարմնի երաշխավորած կրթական ծրագրով (մոդուլով):

ՕՐԵՆՔ

ՀԱՐՑ. Անճարձ գույքի նկատմամբ գրանցված իրավունքների վերաբերյալ վկայականը կորցնելուց հետո սրամադրվում է արդյո՞ք դրա կրկնօրինակը:
Արամ Գաբրիելյան (31 տարեկան)



ՊԱՏԱՍԽԱՆ. 2019 թվականի հուլիսի 1-ից հետո վկայականի կրկնօրինակ չի տրամադրվում, այլ վկայականը փոխարինվում է նոր գրանցման վկայականով՝ պետական գրանցման իրական ամսաթվի վերաբերյալ նշումով:

ՀՀ կադաստրի կոմիտե

«ԺՈՂՎՈՒՐԳ». Ընդ որում մինչև 2019 թվականի հուլիսի 1-ը տրամադրված գրանցման վկայականը նոր գրանցման վկայականով փոխարինվում է դրա համար դիմումը «Գույքի նկատմամբ իրավունքների պետական գրանցման մասին» ՀՀ օրենքով սահմանված կարգով ներկայացվելու օրվանից 2-րդ աշխատանքային օրը, որի համար վճար չի գանձվում:

ԼՈՒՐ ԿԱԴՐ

Լուսանկարը՝ համացանցից



Հնագետները ժամանակակից Նախիջեանի տարածքում պեղումների արդյունքում հայտնաբերել են 4,000 տարի առաջ ապրած հին «ամազոնուհիների»՝ կին մարտիկների գերեզմաններ, որոնք թվագրվում են բրոնզե դարաշրջանին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր Նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	- 3 - 7 + 8 + 13	Արարատ	+ 2 + 5 + 15 + 17
Կոտայքի լեռներ	- 3 - 6 + 8 + 11	Արմավիր	+ 1 + 4 + 15 + 17
Կոտայքի Նախալեռներ	- 2 + 1 + 12 + 13	Վայոց ձորի լեռներ	- 3 - 6 + 8 + 11
Գեղարքունիք	- 3 - 6 + 6 + 9	Վայոց ձորի Նախալեռներ	+ 2 + 4 + 15 + 17
Լոռի	- 1 + 3 + 11 + 13	Սյունիքի հովիտներ	+ 5 + 8 + 15 + 19
Տավուշ	- 1 + 2 + 13 + 16	Սյունիքի Նախալեռներ	- 1 + 3 + 11 + 15
Արագածոտնի լեռներ	0 + 3 + 8 + 10	ԼՂՀ	- 1 + 3 + 10 + 14
Արագածոտնի Նախալեռներ	+ 3 + 6 + 12 + 15	Երեւան	+ 6 + 8 + 11 + 13

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^Պ/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 28.3.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ Նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: